

31
IOANNIS AMA-
RITONIS NONETANI

Commentariorum in epistolas

Q. Horatii Flacci,

Liber primus.

*Ad amplissimum virum Ioannem Bardou in
magno Galliarum consilio procurato-
rem Regium.*

Inuia virtuti nulla est via.

PARISIIS,

Apud Gulielmum Iulianum, sub signo amicitiae,
ad gymnasium Cameracense.

M D C C C

Cum Priuilegio.

Le priuilege.



IL est permis à Guillaume Iulien libraire de ceste ville de Paris, d'imprimer, ou faire imprimer & exposer en vente ce present liure intitulé. Ioannis Amaritonis commentariorum in Epistolas. Q. Horatij flacci liber primus. Et est deffendu à tous libraires, imprimeurs, ou autres qu'il appartiendra, de n'imprimer ou faire imprimer ledict liure, iusques à trois ans finis & accomplis, sur peine de confiscation desdictz liures, & d'amende arbitraire. Et pareillement est deffendu à tous autres, qu'il appartiendra, de non vendre, ne distribuer sinon ceulx que ledict Iulien auroit faict Imprimer, durant le temps & terme de trois ans finis, & accomplis, comme plus à plein est contenu & declare audict priuilege.

Ainsi signe

I. Aubery.



IOANNES

AMARITON IOANNI

Bardon, in magnō Galliarum consilio

procuratori regio

S. D.



POSTQVAM anno
1550 philosophicæ
professionis curri-
culum Petri Rami
& Audomari Ta-
læi doctorum meo-
rum consilio beneficiôq; sum ingres-
sus, Ioannes Bardon sapientissime,
& regis procurator lectissime, nihil
mihi prius fuit, quàm vt eas artes,
quas antea didicerâ, meos item disci-
pulos studiose docerẽ. Itaque cum Pe-
trus Ramus regius Eloquentiæ Phi-

losophiæq̃ professor, & Audomā-
 rus Talæus orator sapientissimus, &
 philosophus eloquentissimus, elo-
 quentiæ philosophiæq̃ coniunctio-
 nem languentem, & propemodum
 extinctam, atque intermortuam, ex
 veteri Academicorum & Peripate-
 tiorum instituto summa cum sua
 laude, & omnium vtilitate reuoca-
 sent, & cum scriptis, tum singulari
 exēplo suo ad eā sequendam nostros
 homines inuitauissent, ad eam cōse-
 quendam viam & rationem osten-
 dissent: horum ego vestigia, quā-
 proximè potui sequutus, tripartitam
 philosophiæ rationem eloquentiæ
 suauitate conditam meis discipulis
 explicauī. Primo itaque meæ profes-
 sionis anno, vniuersam differendi ra-
 tionem, cum ex abdītis Aristotelis li-
 bris erutam, tum in Petri Rami arti-
 ficiosa officina perpurgatam, & om-

nium rerum magistra experientia
(quam nobis optimorum poetarum
& eloquentium hominum præclara
monumenta suppeditauerunt) perpo-
litam & perfectam summo studio &
iuuandæ iuuetutis voluntate expo-
sui. Vtinam tam bene, tamq̃ vtiliter
quàm volui. Sequenti deinde anno
cogitanti mihi, qua ratione ad eam
philosophiæ partem, quæ est de vita
& moribus, meorum animos præpa-
rare, & vna in superiorum artium
exercitatione contineré, occurrit cõ-
modissimè id fieri posse, si Quinti
Horatii Flacci epistolas interpreta-
rer. Sunt enim verbis splendida, sen-
tentiis acutæ, sapientiæq̃ plenissimæ.
in quibus nulla puerilis & redundas
leuitas, sed pressa & senilis tum ver-
borum, tum sententiarum maturi-
tas, & philosophica maiestate, cuius
studium Horatius prima epistola cõ-

EPISTOLA.

mendat, digna orationis grauitas. Feci itaque non inuitus: in quam exercitationem ita nos studiosè operam dedimus, vt inueniendi iudicandique vias, quas ille in scribendo sequutus videbatur ἀγαπῶς persequuti simus, & praecepta institutaque philosophiæ ex Platonis, Aristotelisque fontibus deriuata, quibus hic Poeta præter cæteros abundat, enucleatè facilèque interpretati simus. Nostri itaque discipuli tum sermonis Horatiani elegantia & proprietate, tum ingenii dexteritate, & sententiarum grauitate & utilitate excitati, eas epistolas non solù relegendas, sed etiam ad verbum ediscendas sibi putauerunt: mèque rogauerunt, vt meas observationes, quas partim dispersas habebant, partim non fideliter exceperant: literis consignatas monumētis mandarem: vt & sibi, & aliis permultis cōsulerē. Horum itaque peti-

tionem nec reluctatus, neque omnino assensus, observationum mearum, quas in cômētarium quotidie referebam, librum primum (nam eas libris aliquot distinxī) ædi passus sum: ut si huius gustatu reliqui quoque literarum studiosis adolescentibus placere viderentur, eos pariter æderē, sin minus, mihi ipse seruarē aut igni traderem. Huius itaque scriptionis & æditionis causas habes: Nunc dedicationis rationem accipe. Qui aliquid ingenio elaborarunt, iis potissimum id dicare solent, qui de ingeniis iudicare, & sua auctoritate iuuare possunt, à quibus beneficia acceperunt, aut quibus aliqua de causa obligati sunt. Quorū ego exēplum imitatus, mearum lucubrationum primitias tibi dico & consecro, homini videlicet de me bene merito, mihi patriæ vinculo coniuncto, auctoritatis

EPISTOLA.

magnitudine præpotenti & splendido, & sapientiæ laude cõmendato. Nã clarorũ hominũ, quos nostra Aruernia, tum olim, tum nostris tẽporibus complures, ad decus, ornamentum, salutemq; Galliæ protulit, Prætenfis, Burgii Cancellariorum, Viellardi, Cotelli præfidũ, Michaëlis hospitalis cõsiliarii, Mariliaci patroni regii, aliorumq; innumerabilium vestigiis insiftēs, eã de te nõ solum sapiētiæ, sed etiã æquitatis & iustitiæ opinionem concitasti, vt te honorifica magni Galliarum consilii, procuratione dignum Henricus rex Christianissimus iudicarit. Nunc itaque in Horatii epistolas commentariorum nostrorum librum primum, voluntatis, & animi erga te mei testem ea animi liberalitate accipe, qua antea iam multos annos me persecutus es.

Quòd si (vt ait Poeta) digna tua mi-
nus est mea pagina laude,
At voluisse sat est: Animum non car-
mina iacto.

Tu modò lætus ades, forsan melio-
ra canemus.

Et vires dabit ipse fauor, dabit ipsa fe-
racem

Spes animum.

Vale.

Datum Lutetiæ in Prælleo Gymna-
sio, Anno à Christo seruatore
nato, M. D. LIII.
Cal. Iulii.

AD DOCTORES SVOS
Ioannis Amaritonis Octa-
stichon.

*Grenetus Latia posuit fundamina linguae,
Eius me docuit lingua diserta loqui.
Dicendi leges didici dicente Talao:
Et logica per te cognita, Rame, uia est.
Adiecit sophia Philaretus dogmata sancta,
Natura mores hoc referante patent.
De tantis sequitur mea si quid pagina, uestrum est.
Quisque suæ, si sit, uendicet artis opus.*

61

DE HORATII SCRIPTIS

ad studiosam iuuentutem

Ioannis Amaritonis,

præfatio.



*M*nies qui de ingeniis iudicare possunt, studiosi iuuenes, incorruptam quandam latini sermonis integritatē, elegantem & eruditam orationis maiestatem in Horatii scriptis laudant, ingenij dexteritatem admirantur, sententiarum gravitatem probant & amplectuntur: Sed magnam in iisdem scriptis difficultatem & obscuritatem complures item experiuntur: Cuius causas hoc loco vestrae utilitatis gratia breuiter attingā. Vt enim quibus quisque de causis in morbum inciderit nosse, ad eum profligandum, medico non parum confert, sic Horatianae obscuritatis cognita ratio eius studiosis (vt opinor) plurimum lucis afferet. Cum itaque Horatius vulgi plausum & approbationem contemneret, sibi

id vnum proposuit, vt doctis & eruditis
satisfaceret, eisque placeret. Sic enim ipse
lib. I. Satyra. IO.

-Neque te vt miretur turba labores
Cōtentus paucis lectoribus. An tua demēs
Vilibus in ludis dictari carmina malis?

Non ego. nam satis est equitem mihi plau-
dere, vt audax

Contemptis aliis explosa Arbuscula dixit.
Men' moueat cimex Pantilius? aut cru-
cier, quòd

Vellicet absentem Demetrius? aut quòd
ineptus

Fannius Hermogenis laedat conuiuia Ti-
geni?

Plotius, & Varius, Mæcenas, Vergiliusq;
Valgius, & probet hæc Octavius opti-
mus, atque

Fuscus, & hæc vtinam Viscorum laudet
vterque.

Ambitione relegata te dicere possum
Pollio, te Messala tuo cum fratre simulque

Vos Bibuli, & Serui, simul his te candide
Furni.

Cōplures alios, doctos ego quos & amicos
Prudens prætereo, quibus, hæc sint qua-
liacumque,

Arridere velim, doliturus si placeant spe
Deterius nostra.

Quamobrem ut ipse 4. Satyra eiusdem li-
bri se à diis fictum fuisse ait, animi rarò &
per pauca loquentis. Sic in suis scriptis La-
conicam breuitatem amauit. τὸ δὲ λακονίτικον

(ait Greg. Theolog. ad Nicobulū) ἢ τὸ τό ὅτι,

ὁ αὖ ἐστὶν ὀλίγας συλλαβὰς γράφειν. ἀλλὰ καὶ πλείστον ὀλίγας

Laconicè breuitérque loqui non id est quod
existimas paucas syllabas scribere, sed de
multis paucas. Horatius igitur multo plu-

ra cogitationi, quàm sermoni tribuens, di-

ctum nimirum sapienti sat esse ratus, sæpe

ex causis efficientibus effecta, & ex affe-

ctis contrà efficientes causas, interdum ex

subiectis adiuncta, & ex adiunctis subic-

ta (quam metonymiam Rhetores, dixere)

significat. Nonnunquam ex parte vna, vel pluribus totum, & ex toto partem (sine- doche Rhetoribus quoque appellatur) intelligendam relinquit. Crebris item pariū, maiorum, minorum, similium, dissimilium, nulla subiecta redditione, comparationibus utitur. Ratiocinationes integras nullas ferè adhibet, sola aut propositione, aut assumptione, aut propositionis, Assumptionisque significatione contentus: Aut si adhibet, non rudi penicillo earum partes depingit, sed ea vnde effici, concludi que possint acute, subtiliterque differit, interdum recto, mutato nonnunquam ordine: ita ut illum sæpè putes relictā quæstione, quæ nihil ad rem faciant scribere: interdum etiam fit ut Aristotelicam quoque *κρούειν* sequutus quæstionem nullam proponat, nullā etiam post necessariarum ratiocinationis partium, disputationem cōcludat: sed aliis quibusdā nihil ad institutum pertinentibus interiectis, eam in alium locum differat. Hæ sunt igitur Horatianæ ob-

scuritatis causæ. Quæres igitur cum tanta sit obscuritas, cur eius lectione tam multi homines delectentur? quia suppeditat ubi eorum pascatur animus. Omnes enim trahimur & ducimur ad cognitionis & scientiæ cupiditatem, in qua excellere (ait Cicero) pulchrum putamus: labi autē, errare, nescire & decipi, & malum & turpe ducimus. Est autē in Horatii scriptis præter, differendi subtilitatem, rerum innumerabilium, antiquitatis, historiæ, virtutum, iuris & legum, naturæ denique utilis & pernecessaria cognitio, qua instructi multi illustres & excellentes nostræ ætatis homines in omni ferè disciplinarum genere, suæ arti lumē attulerunt. Hinc enim Iacob. Faber Stapulensis ethicam, Petrus Ramus logicā, Audomarus Talæus Rhetoricam, Frācisus Duarenus, & Balduinus iurisprudentiam, Petrus Ronfardus, Ioachimus Bellaius, Ianus Antonius Baius poesim Gallicam magna cum sua lau-

de, ad communem omnium vtilitatem illustrare. Non ergo temere est quod Horatij versus tam multos non solum delectent sed sine satietate delectent. Est enim ita creber rerum frequentia, vt verborum numerum sententiarum numero cōsequatur. Ita porro verbis aptus, vt nescias vtrū res oratione an verba sententiis illustrentur. Quæ cum ita sint studiosi iuuenes ne vos obscuritas ab Horatij lectione deterreat hunc legite, ediscite, hunc etiam nocturna versate manu versate diurna, difficultatē mediocris labor facilè superabit, laborem sperata vtilitas subleuabit. Præclarè enim Tibullus.

Spes alit agricolas, spes sulcis credit aratis
Semina, quæ magno fœnore reddat ager.

Argu-

Prima Epistola sub Horatij persona, ad Philosophiæ studium adhortatur. Hæc itaque summatim quæstio proponatur. Horatius debet philosophiæ incumbere. Argumenta verò, quibus ea disputatur, si separatim spectes, non omnia pondus habent: coniuncta tamen plurimum ad eam concludendam valent. Nam & ludicra sibi iam seni omittenda primum, tum se philosophiæ studio teneri, &, quod longè firmissimum est, à philosophia contra omnes animi morbos, & perturbationes salutaria remedia peti docet. Vnde comparandæ virtutis facilis via præparetur. Postremò finis quidam Philosophiæ eiusdem ferè, atque præcedens argumentum, virtutis adhibetur: vt perturbationum vacuitas, & animorum tranquillitas adsit. Quæ ratio mercatorum & ambitiosorum contentione amplificatur. Sequuntur de-

*inceps digressiones duæ, in quibus auariti-
am & inconstantiam Romanorum acri-
ter insectatur. Hæc summatim: nunc epi-
stolæ particulas sigillatim persequamur
& examinemus.*



COMMENTARIORVM

Ioannis Amaritonis In Episto-
las Q. Horatii Flacci
Liber primus.

Epistola prima, ad Meccœnatem.



Rima dicte mihi, summa dicen-
de Camena,
Spectatum satis, & donatũ iam
rude, quæris

Meccœnas, iterũ antiquo me includere ludo.
Non eadem est ætas, nõ mens. Veianius armis
Herculis ad postem fixis latet abditus agro:
Ne populum extrema toties exoret arena.
Est mihi purgatam crebrò qui personet aurẽ:
Solue senescentem maturè sanus equum, ne
Peccet ad extremum ridendus, & ilia ducat.
Nũc itaque & versus, & cætera ludicra pono:
Quid verum atque decens curo, & rogo, &
omnis in hoc sum.
Condo, & compono, quæ mox depromere
possim.

COMMENTARIORVM

Præcipua epistolæ quæstio dissimilitudine primum in hanc sententiam declaratur: Flaccus ludicra omittere, Philosophiæ autem studio debet incumbere. Protasis verò non solum quæstionis illustrationem, sed vnà etiam scribendorum versuū (ad quos Mecænas Flaccū inuitauerat) exercitationis omisse probationem continet: Ea igitur adiunctis primum per similitudinem significatis breuiter declaratur: Deinde iisdem plenius confirmata syllogismo tertij modi primi generis ad hunc modum concluditur:

Omnes senes ludicra debent omittere:

Ego sum senex:

Debeo igitur ludicra omittere.

Prima.

Prima epistolæ ingressio ad conciliandam Mecænatis beneuolentiam pertinet: & idcirco effecta sua Flaccus laudis Mecænati tributa commemorationem complexa initio ponit: quod primo opere eum celebrarit: vt Ode. 1. & 20. libri primi, & 17. libri secundi, aliisque locis quamplurimis: & quòd eum in his epistolis celebraturus sit.

Summa.

Summū est (vt ait Cicero in Tusc.) quonihil sit superius: quomodo ædificiorum fastigia summa dicuntur. Virgil. Aeneidos secundo,

*Ilicet ignis edax, summa ad fastigia vento
Voluitur, exuperant flammæ.*

Et ecloga prima:

*Et iam summa procul villarum culmina fumant:
Inde ergo quia variæ similitudines duci possunt,
variè etiâ verba transferuntur. Nā vt summū ædi-
ficij perfectio & absolutio videtur: Sic sumum bo-
nū dicitur Cicroni perfectū & omnibus numeris
absolutum. Et quia summū in ædificio postremum
architecti opus est: summa etiâ pro vltima à Flac-
co vsurpatur. Sic Maro aneidos secundo.
Venit summa dies & ineluctabile tempus
Dardaniæ, fuimus Troes, fuit Ilion.*

Camena.

*Metonymia causæ pro effectu, Camena enim
Latinum musarum nomē est, à quibus poëtæ car-
mina inuenta dicunt. Extat Virgilij epigramma
de musarum inuentis, cuius hoc initium:*

Carmina Calliope libris heroica mandat.

*Itaque pro ipso carmine, Camena ponitur. Casme-
narum autem priscum erat vocabulum ita natum
atque scriptum. Alibi Carmenæ ab eadem origi-
ne sunt declinatæ. In multis enim verbis, in quo
antiqui dicebāt S. postea dicūt. R. vt Ianitos Iani-
tor, melios melior, Quare etiam Casmena Carme-
na: postea extrito. R. Camena factum est, vt ait
Varro libro sexto de lingua Latina.*

Spectatum.

Allegoria, id est, similitudo sine redditione posita, à gladiatoribus sumpta, qui in circo longo tempore spectati & probati dimittebantur, nec in gladiatorium ludum, in quo prius erant exerciti, post missionem includebātur. Res ergo addita redditione sic facilius expēdetur: Vt gladiator in circo diu spectatus & iam rude donatus ludo gladiatorio includeretur. Sic ego iā multis Odarū & epodōn libris editis cognitus & probatus & hoc scribendi genere defunctus ad pristinam & iuvenilem scribendi exercitationem nunc à te reuocor. Sed illud probandum non videtur: nec igitur hoc.

Rude.

Rudis generaliter virgam impolitam significat: id quod vel ex ipso nomine intelligitur. Hic autem pro ea ponitur, qua gladiatores in ludo exercebantur, antequam in verum certamen descenderent. Id quod apertè in fragmento de optimo genere Oratorum Ciceronis locus indicat. Sic enim de Umbratili Isocratis exercitatione loquitur: Non enim in acie versatur & foro, quasi rudibus eius eludit oratio. Hac autem impetrata virga gladiatores missione donabantur. Cic. phil. 2. Ne tum quidem sequeris: tam bonus gladiator rudem tam citò accepisti? Missionis enim signum erat, ut ait Porphyrio.

Ludo.

Metonymia adiuncti Ludi pro subiecto loco in quo ludus est, ut apud Casarem lib. 1. de bello civili: Gladiatoresque, quos ibi in ludo Caesar habebat, in forum perductos Lentulus libertati confirmavit. Gladiatorum enim paria seruorum Romani principes in ludo exercebant, quæ inde populo gratificaturi in circum produceret. Ex ludi itaque similitudine carmen significatur, in quo se flaccus tanquam in ludo exercuerat.

Non eadem.

Assumptio ex repugnantibus hinc disputatur: Effluxit illa iuuenilis ætas, qua versus Lyricos scribere solebã, nec rebus iis nunc delectatur animus, quæ me iuuenem recreabant. Ea autem senectutis argumenta esse significat Cornelius Gallus elegia prima

Diuersos diuersa iuuant, non omnibus annis

Omnia conueniunt, res prius apta nocet.

Exultat leuitate puer, grauitate senectus.

Inter vtrumque manens stat iuvenile decus.

Hunc tacitum tristemque decet, sit clarior ille

Letitia & linguæ garrulitate suæ.

Cuncta trahit secum, vertitque volubile tempus:

Nec patitur certa currere quemque rota.

Idem Horatius vltima epistola secundi libri apertius declarat.

COMMENTARIORVM

*Singula de nobis anni prædantur euntes:
Eripuere iocos, Venerem, conuiuia, ludum;
Tendunt extorquere poemata.*

Veianius.

Propositio duplici similitudine significatur, Prioris hæc plena sententia est: vt senex gladiator armorum exercitationem deserit: Sic quiuis senex ludicra omittet. Veianius autem nobilis gladiator, post multas palmas, Herculi fundano, vt ait Porphyrio, consecratis armis tandem in agellum se contulit. Hic verò synecdochicos pro quouis gladiatore ponitur. Erat autem Romanis hic mos, vt parta pace emeritus miles arma sua in tholis & postibus templorum suspenderet, & alicui deo dicaret. Id quod Ouidius significat elegia septima lib. 4. trist.

Miles vt emeritus non est satis utilis armis,

Ponit ad antiquos quæ tulit arma lares.

Quem morem in gladiatoribus etiam obseruatum fuisse hic locus indicat, si, quod ait Porphyrio, Veianius gladiatoris nomen sit. Quod si militem significari dicas, res ipsa non minus intelligetur. Illinc enim eiusmodi similitudines frequenter desumuntur, vt in notato Nasonis loco, & apud Propertium lib. 2. eleg. 25.

Miles depositis annosus secubat armis,

Latet abditus agro.

Fuit olim cum veteranis militibus parta victo-
ria, otio frui liceret, & reliquam vitam tranquil-
lè agere. Itaque ad vitæ necessitates ager illis assi-
gnabatur. Cuius rei testis est Cæsaris ad milites o-
ratio, apud Lucanum lib. I.

Conferet exanguis quò se post bella senectus?

Quæ sedes erit emeritis? quæ rura dabuntur?

Quæ noster Veteranus aret?

Id etiam confirmat Octaviij factum, qui ex Ma-
cedonia in Italiam reuersus, superatis Bruto &
& Cassio, agros Veteranis diuisit, ut scribit Florus
epito. 125. Eodem itaque modo gladiatoribus seni-
bus & rude donatis agrum victus causa à suis do-
minis assignatum fuisse hic locus indicat, si, ut di-
xi, Veianus gladiatoris nomen sit. Sin minus, res
ex Lucani & Flori locis declaratur.

Ne populum.

Proximæ similitudinis illustratio ex fine: ne
populi, (cuius delectandi causa productus erat)
fidem ad impetrandam à domino missionem in
posterum imploret. Solebant enim longo certami-
ne defessi gladiatores, & multis vulneribus acce-
ptis propemodum confecti, stantes populum roga-

re, ut à domino missionem impetrarent. De hoc hominum genere, Hæc Cicero circiter finem secundæ Tusc. Gladiatores, aut perditii homines, aut barbari quas plagas perferunt? Quomodo illi qui bene instituti sunt, accipere plagam malunt, quàm turpiter vitare? Quàm sæpe apparet nihil eos malle, quàm vel domino satisfacere, vel populo? Mittunt etiam vulneribus confecti ad dominos, qui quærant quid velint, si satisfactum iis sit, se velle decumbere.

Extrema arena.

In extremo septo arena consperso: est hîc metonymia adiuncti pro subiecto.

Est mihi.

Altera similitudo, ex qua propositio quoque significatur: ut senex equus curriculum relinquit: Sic senes homines ludicra & ad hilaritatem comparata debent omittere. Exornatur verò hæc similitudo prosopopœia, cuius præparatio hunc habet sensum: Est qui me diligenter attendentem frequenter moneat.

Maturè.

Opportunè. Metaphora est à fructibus. De huius verbi significatione vide plura apud Gellium, libro 10. cap. 11.

Sanus.

Dum illæsus & integris viribus es, nec defici-

ente equo in terram deiectus.

Ne peccet.

Posterioris similitudinis confirmatio ex fine.
Hanc autem similitudinem Ennius apud Ciceronem in Catone Maiore usurpat:

Sicut fortis equus spatio qui saepe supremo

Vicit olympia, nunc senio confectus quiescit.

Et ovidius finē cum similitudine lib. 4. trist. eleg. 7. complexus est.

Ne cadat & multas palmas inhonestet ademptas:

Languidus in pratis gramina carpit equus.

Idem eleg. 5. lib. 1. de Ponto:

Occidet, ad Circi si quis certamina semper

Non intermissis cursibus ibit equus.

Ilia ducat.

Virgilius de Eurialo moriente Aeneid. 9.

-Et longis singultibus ilia pulsat.

Sunt autem ilia inter coxas & pubem imo ventre posita in homine, ait Celsus, in fine capitis 1. lib. 4. Ducuntur autem ilia & agitantur tanquam folliculi, cum equus difficultate respirandi laborat. Pulmones enim, in quibus inest ad hauriendum spiritum aptissima raritas, tum se contrahunt aspirantes, tum in respiratu dilatant: unde fit ut diaphragma pulsetur, & omnes, quae huic in ventre haerent, partes una agitentur. Hic ergo locus hanc habet sententiam: In cursibus equo sene non esse

utendum, ne cum spiritus deficiat, & in medio curriculo turpiter cadat. Alias ilia sunt minuta intestina, quæ à Plinio lactes appellantur in homine & Oue.

Nuncitaque.

Concludit dissimilitudinem, unde præcipua quæstio primum illustratur,

Debeo igitur ludicra omittere.

Versus & ludicra.

Lyricos versus, qui magnam partem ad ludum iocumque, & ad res leues cõparati sunt, intelligit. De quibus idem lib. 1. Carmi. Od. 6.

Nos conuiuia, nos prælia virginum
Sectis in iuuenes vnguibus acrium
Cantamus vacui: siue quid vrimur
Non præter solitum leues.

Vide totam item oden. 12. lib. 2. De quibus hæc etiam in arte poëtica,
Musa dedit fidibus diuos puerosque deorum,
Et pugilem victorem, & equum certamine primũ
Et iuuenum curas, & libera vina referre.

Quid verum.

Præcipua huius epistolæ quæstio quam initio diximus: Philosophiam autem moralem hoc loco duntaxat intelligit, eamque ex subiecto declarat. hîc etiam verum pro non fucata & adumbrata, sed expressa solidaque virtute vsurpauit. Vt Cic. 1.

offi. Ex quo intelligitur quod verum simplex sincerumque sit id esse naturæ hominis aptissimum.

Decens.

Quid sit quod deceat in factis & dictis de quo Cic. i. offi. in. 4. honestatis fonte.

Curo & rogo.

Sollicitè & curiosè exquiro.

Omnis.

Id est totus. Transfertur enim à numero ad magnitudinē, vt apud eundē ode vltima lib. 3. Carmi.

Non omnis moriar, multaque pars mei
Vitabit libitinam.

Et apud Cæsarem : Gallia est omnis diuisa in partes tres.

Condo & Compono.

Allegoria ab annona & penu domestico, quæ in cella & horreis conduntur, & componuntur primum, deinde in vsum quotidianū depromuntur. Cic. 2. de nat. deor. nec tempestiue demetendi percipiendique fructus neque condendi ac reponendi vlla pecudum scientia est. Et paulo post : neque enim homines murium aut fornicarum causa frumentum condunt. Componere autem est cōgerere. Tibull. eleg. i. lib. i.

-ego composito securus acervo

Dites despiciam, despiciamque famem.

Significat ergo Horat. his continuatis metaphoris,

COMMENTARIORVM

se honestatis præcepta studio & industria quærere,
& colligere, animoque percipere: quæ postea in
vsum conferat & in vita sequatur. Qui finis est
Ethica. Hac enim, vt scribit Aristoteles, nico-
machion secundo, ἡ θεωρία ἐνεχθῆναι ὡς περ αἱ ἀλλὰι. &
ἡ ἐν εἰδῶμεν τί ἐστὶ ἡ ἀρετὴ, σκοπεῖσθαι ἀλλ' ἵνα ἀγαθὸς
ᾖ ὁ μὲν ἐπὶ εἰδέναι αὐτῆς ὅφελος αὐτῆς. Id est, Ethica non
contemplationis causa, vt cæteræ philosophiæ par-
tes, comparata est: Non enim de virtute commen-
tamur, vt quid ea sit cognoscamus: sed, vt boni effi-
ciamur: quandoquidem nulla eius esset vtilitas. Id
quod breuius idem vltimo capite eorundem nico-
machion scribit: ἡ δὲ δὴ αὐτῆς ἀρετῆς ἵκανόν τὸ εἰδέναι,
ἀλλ' ἔχειν καὶ χρῆσθαι περὶ αὐτῆς. Non enim virtutem
nosse satis est, sed enitendum est vt ipsam habea-
mus & ea vtamur. Vnde præclare Cic. i. offic. Vir-
tutis laus omnis in actione consistit.

Ac ne fortè roges, quo me duce, quo lare tuter
Nullius addictus iurare in verba magistri,
Quò me cūque rapit tēpestas, deferor hospes:
Nunc agilis fio, & mersor civilibus vndis
Virtutis veræ custos, rigidusque satelles:
Nunc in Aristippi furtim præcepta relabor,
Et mihi res, non me rebus submittere conor.

Ac ne fortè.

Prolepsis est, in qua iudicij sui libertatem in
philosophando, tacitæ quorundam interrogationi

respondens effectis declarat, seque academicam philosophandi libertatem sequuturum profitetur. De qua Cicero in præfatione: 2. offi. multa, ad hunc autem locum maximè accommodatè, initio primæ Tusculanæ: Sed defendat quidem quod quisque sentit, sunt enim iudicia libera: nos institutum tenebimus, nullisque vnius disciplinæ legibus astricti, quibus in philosophia necessario parcamus, quid in quaq; re sit maximè probabile semper requiremus.

Quo me duce.

Idest cuius magistri tanquam ducis autoritate nitar. Metaphora bellica.

Larc.

Lar, deus familiaris Romanis habebatur. Plan- tus in prolego aululariæ.

Ego Lar sum familiaris ex bac familia,
Vnde exeuntem me aspexistis. Hanc domum
Iam multot annos est cum possideo, & cælo.

Per metonymiam vero possessoris pro re posses- sa proque domo Sallustius usurpavit in historia Catilinæ: illos binas haud amplius domos conti- nuare, nobis larem frmiiliarem, nusquam ullum ef- se. Hinc etiam fit ut pro schola ponatur: unde de- mùm secta ea significetur, quæ ibi philosophata sit. Vel lar deus metaphoricos pro magistro quemad- modum dux ponitur.

Hospes.

Id est, tandiu illic futurus, quādiu ratio patietur.

Nunc agilis.

Proximi loci ex effectis illustratio, quòd modò se Stoicum, modò Cyrenaicum præster.

Agilis fio.

Definitio Stoici ex effectis. Stoicus enim summū bonum statuens, non in fucata & adumbrata atque ociosa, qualem sibi proponunt Epicurei: Sed vera solidaque virtute, id est, actiuosa, reipublicæ administrationem studiose amplectitur: Porro autem agilis & gnauus geminata, & idem significantia remisso opponuntur epist. 18.

*Oderunt hilarem tristes, tristēmque iocosi,
Sedatum celeres, agilem gnauūque remissi.*

Merfor ciuilibus.

Allegoria nautica, ex qua Reipub. fluctuans & periculosa administratio significatur.

Nunc in Aristippi.

Cyrēnaici ex effectis definitio, quòd Aristippi instituta de voluptate sectetur. Ab Aristippo (ait Cic. 3. de orat. ad Qu. frat.) quem illæ magis voluptariæ disputationes delectarunt, Cyrenaica philosophia manauit, quam ille & eius posterī simplicitē defenderāt, ij qui nunc voluptate omnia metiuntur.

Præcepta.

De Aristippi præceptis & institutis, lege Laër-

COMMENTARIORVM

tium, lib. 2. in eius vita. Naturaliū nanq; rerū in-
quisitionem propter obscuritatem contempsit, Lo-
gicam propter eius magnam vtilitatem retinuit.
De Ethica præcipuè philosophatus est. Filiā A-
retam sæpe monebat, vt quod nimium esset con-
temneret. Summum bonum lenem motum ad sen-
sum emanantē definiuit: propterea ευδυμία id est,
animi securitatem & tranquillitatem maximè
amplexatus est, eamque singulariter commenda-
uit. Qua de re sic Aelianus libr. 14. cap. sexto:
Πάνυ σφόδρα ἐρρωμένως ἐώκει λέγειν ὁ ἀείσιππος, παρ-
εῶν μὴ τῇ τοῖς παρελθούσιν ἐπιχάμειν, μήτε τῶν ὀπίον-
των προχάμειν. ευδυμίας γὰρ δείγμα τὸ ταῦτο, καὶ ἰλεῶ δια-
νοίας ἀπὸ δειξίς. προσέταλτε ὅτι ἡμέραν τιμὴν γινώσκον
ἔχον καὶ αὐτὴν πάλιν τῆς ἡμέρας ἐπ' ἐκείνῳ τῷ μέρει κατ' ὃ
ἔχαστος ἢ προάττει τί, ἢ ἐννοεῖ. μόνον γὰρ ἔφασκεν ἡμέτερον
εἶναι τὸ παρὲν, μήτε δὲ τὸ φθάνον, μήτε τὸ προσδοκώμενον.
τὸ μὲν γὰρ ἀπὸ λωλέαι, τὸ δὲ ἀδύλον εἶναι, εἰσὶν ἔσται.
Id est, fortiter admodum Arisippus dicere sole-
bat, cum adhortaretur, vt neque res præteritas cu-
ra sequeretur, neque præsentis antegrederetur: Id
enim esse securitatis & tranquillitatis animi iu-
diciū, & hilaritatis argumentum. Præcipiebat
verò, vt ad diem præsentem animum adiungere-
mus, ad eamque rursus diei partem, in qua quisque
quippiam vel ageret, vel cogitaret. Solum enim id
quod adest, nostrum esse dicebat, non autem quod
antegressum est, neque quod expectatur. Illud e-
nim periisse, hoc verò, an futurum sit, incertum es-

se. De Aristippo plura dicemus in epist. 17.

Et mihi Res.

Animi libertatem in prolepsos subiectione positam, & iam partibus illustratam generalibus effectis concludit quæ ἐπαυρόδω exornata dissimilitudine amplificantur: non me rebus, sed mihi res submitto. Sapientis enim proprium est (ait Cic. 5. rusc.) Omnia ad suum arbitrium referre, suis stare iudiciis.

Vt nox longa, quibus mēitur amica, diēsque Lōga videtur opus debētibus: vt piger annus Pupillis, quos dura premit custodia matrum: Sic mihi tarda fluunt, ingrataque tempora, quæ spem

Consiliūque morantur agendi gnauiter, id quod

Aequè pauperibus prodest, locupletib' æquè: Aequè neglectū pueris, senib'usque nocebit. Restat vt his ego me ipse regam, solérque elementis.

Vt nox.

Secundum argumentum tractandæ philosophiæ ex adiunctis, quòd eius magno teneatur desiderio ratiocinatio propositione addita sic perficitur.

Quicumque philosophiæ studio tenentur, ei debent incumbere.

Ego verò philosophiæ desyderio teneor.

Debeo itaque philosophiæ incumbere.

Assumptio trium similium collatione illustrata præcedit. Quorum primum est: Vt amatores ab amica noctem pollicita elusi noctem quàm celerimè effluere cupiunt, dieique magno desyderio tenentur: Sic ego philosophiæ.

Diésque Longa.

Simile secundum: Vt mercenarij qui suam in diem operam locarunt eius finem exoptant: Sic ego philosophiæ desyderio teneor.

Vt piger.

Simile tertium: Vt pupilli tutelæ suæ finem desyderant. Sic ego philosophiæ desyderio teneor. Piger autem, sumpta ab animantibus tardè gradientibus metaphora, pro longo ponitur. Sic propriè idem epist. 14. Vsurpat.

Optat ephypia bos piger.

Pupillis.

Pupillus is est, qui cum impubes est, desit in patris potestate esse, aut morte, aut emancipatione, ait Pomponius Vltimo pandectarum lib. de verb. & re. signi. in. l. Pupillus. Cic. pro Q. Rosc. Pupillum fraudare, qui in tutelam peruenit. Aliquando tamen pro impubere generaliter ponitur, Vt in l. Vltima. de verb. oblig. ꝑ. Vt apud Horatiū epist. 1. lib. 2.

*Non fraudem socio, puero non cogitat ullam
Pupillo.*

*Pupillum vero, pupillamve, cum puberes esse cœ-
pissent, ius à tutela liberabat: pubertatem autē ve-
teres non solum ex annis, sed etiam ex habitu cor-
poris in masculis æstimari volebant. quam postea
exaëto decimoquarto anno Iustinianus definiuit,
in foeminis duodecimo. Instit. lib. 1. Tit. 22. He-
siodus autē lib. 2. operū & dierū. 14. annū, in mu-
liere, initium pubertatis Græcis fuisse significat.*

Sic mihi.

*Superiorū similitudinū redditio, qua assumptio-
nis sententia significatur: Sic ego percipio illud
tempus aduenire, quo liceat philosophiā tractare.*

Spem Consiliūque agendi.

*Id est speratum, & capto consilio propositum
studium retardant, quod omnibus æquè prodest.*

Id quod.

*Definitio quædam philosophiæ ex duobus ef-
fectis, paribus amplificatis.*

Acquè.

*Hoc verbum in principio, & in fine versus
positum epanalepsim facit.*

Acquè neglectum.

*Proximorum effectōrū illustratio ex aliis duo-
bus effectis paribus similiter illustratis: Eius ge-
neris argumenti vim hoc generali axioma Ci-*

COMMENTARIORVM

cero Aristotelem sequutus æstimat. Contrariorum contraria sunt consequentia. Probat ergo retentum philosophiæ studiū omnibus pariter prodesse, quia idem neglectum omnibus pariter noceat. Efficit autem verbum (æquè) in fine superioris & principio huius versus positum ἀναδιωκ. ωον.

Restat.

Assumptio adhuc disputata est. Hic vero conclusio in hanc sententiam continetur. Restat igitur, ut præceptis institutisque philosophiæ vitam ipse meam Regam, eamque iam multis calamitatibus, quæ homini quotidie imminet, affectam, tristem atque mæstam consoler & reficiam.

Elementis.

Elementa propriè principia & rerum initia significant, materiam & formam: Prima itē corpora, quæ Græcis στοιχεῖα dicuntur. Cic. in fragmento Acad. Ergo illa initia, & ut è Græco vertam, elementa dicuntur, ex quibus aër & ignis mouendi vim habet. hic autē per metaphorā στοιχεῖα philosophiæ præcepta significantur, quæ sunt tanquam actionum & officiorum rectæque viuendi principia & elementa.

Nō possis oculo quantū cōtendere Lynceus,
Non tamen idcirco cōtemnas lippus inungi:
Nec, quia desperes inuicti mēbra Glyconis,
Nodosa corpus nolis prohibere chiragra.

Est quodam prodire tenus, si non datur ultra.

Non possis.

Tacite obiectionis refutatio ex contradictione. Obiiciat ergo aliquis Flacco eius à philosophiæ studio deterrendi causa: Cum non sis in Philosophia summus futurus, est tibi philosophiæ studium cōtemnendum. Tum Horatius, non quia summus non sum futurus, idcirco mihi philosophiæ studiū cōtemnendum & deserendum videtur. Nec verò ista pingui quadam minerva nominatim posita est, sed duplici similitudine acutè significata contradicens responsio. prioris hæc vis est, ut, non quia tam perspicax, atque Lynceus futurus nō es: idcirco collyria, & salutaria remedia contemnas: Sic, Non quia summus non sum futurus, &c.

Quantum.

Non possis tantum oculo contendere, quantum Lynceus. Dixit autem oculo contendere, pro acutè & subtiliter videre: Ut Cicero, voce contendere, pro clamare, in oratione pro Ligario: Quantum potero, voce contendam, ut hoc populus Romanus exaudiat.

Lynceus.

Lynceus Apharei (ut Orpheus in Argonauticis, Pyndarus Ode 10. Nemeorum, Apollonius primo Argonauticon scripsere, unde Naso Metamorph. 8.

- & proles Aphareia Lynceus)

C iiij

COMMENTARIORVM

Et *Arenæ* filius vt *Pherecidem*, vel *Polydoræ*
vt *Pyſandrum*, vel *Laocooffæ* vt *Theocritum*. *A-*
*polloni*j Græcus Scholiaſtes voluiſſe ſcribit. Is in-
ter *Argonautas* ab *Orpheo* numeratus, & perſpi-
cacitatis laude celebratus fuit,

Λυγκεύςθ', ὅς τήλιστα δι' αἰθέρος ἠδὲ θαλάσσης

Βίνθεα, καὶ πλουτῆος ἑσπερίοιο βέρεδρα

Μοῦνος ἀπ' ἀνθρώπων δεινοῖσιν ὁπάπειν ὅσσοις

Id eſt,

Quiq; procul longè trās æthera, trās mare *Lynceus*
Et ſubter *Plutum*, terræq; *barathra* profundæ
Solus in humanis viſu penetrauit acuto.

Illam autem trans æthera videndi famam ex *A-*
ſtrologiæ cognitione, & cœleſtium rerum obſerua-
tione ortam eſſe arbitror. Scribit enim *Plinius*, ca.
17. li. 2. cum nouiſſimam primâq; *Lunam* ea-
dem die in arietis ſigno (quod paucis mortalium
contigit) conſpexiſſe. Quod autem terræ *barathra*
viſu penetraſſe dicitur, hoc non minus quàm illud
fabuloſum: *Fabulæ* tamen occaſio hæc fuit. Pri-
mus enim fodinas reperit, & metalla ex terræ vi-
ſceribus eruit, vt vult *Lycophronis* interpres. De
quo *Paleſatus*: *Lynceus* (ait), æs argentum, cæ-
teraq; metalla inquirere cœpit. Cùm enim lucer-
nas ſecum intra terræ penetralia circumferret, &
cas ibidem fortè relinqueret, ac ſurſum æs ipſe fer-
rûmq; reportaret: homines qui id videre conſue-

uerāt, dicebant Lynceum in subterraneis locis videre, ob idque argentum inde sursum asferre. Itaque Pyndarus Odæ 10. Nemeorum:

- κείνου γὰρ ἐν χθονίων

παίτων γένητ' ὀξύτατον

ὄμμα, id est,

- Illius enim mortalium

Omnium erat acutissimus

Oculus.

Ex hac autem specie Synecdochicōs genus perspicaciū & acutē cernentiū intelligi potest. De quibus Plinius libri 7. cap. 20. Solinus cap. 6. Valerius lib. 1. cap. de miraculis, ubi Strabo à quibusdam falso Lynceus esse putatur. Hic enim vnus ex Argonautis ante bellum Troianum: Strabo autem tempore bellorum Punicorum vixit.

Nec quia desperes.

Secundum simile: quemadmodum non quia vim & firmitatem Athletæ fortissimi non sis habiturus, idcirco corpus ita negligas, vt ab eo morbos non repellas: sic non quia summus non es futurus, ideo Philosophia tibi est contemnenda.

Membra.

Metonymia subiecti pro adiuncta firmitate & robore.

Glyconis.

Athletæ fortissimi nomen est, ait Acron, ex

hac autem specie genus synecdochicos intelligitur.

Nodosa chiragra.

Chiragra dolor manuum, ut podagra pedum: de qua Celsus lib. 2. cap. 7. & lib. 4. cap. ultimo. Nodosa verò dicitur, quòd in articulis & nodis manuum inhereat: qua de causa etiam nodosam podagram appellat Ovidius elegia quarta lib. 1. de Ponto.

Tollere nodosam nescit medicina podagram.

Prohibere.

Repellere à tuo corpore chiragram, Corpus à chiragra defendere & liberare. Visitata eclipsis est præpositionis à, ut apud Cic. pro lege Manilia: Erit igitur humanitatis vestra magnum eorum civium numerum calamitate prohibere. Integra autem oratio paulò post apud eundem reperitur. A quo periculo prohibete rempublicam.

Est quodam.

Similitudinum, vel redditionis inde significata confirmatio ex repugnantibus, viatorum similitudine disputatis: Ut in faciendo itinere, quodam tenus viatoribus progredi licet, etiam si non possint ultra: sic in studio sapietiae progressus aliquos facere licet, etiam si finis, & perfectio hominibus negata sit.

Quodam tenus.

Sic ferè Cicero pro Deiotaro: Tauro tenus regnare iussus est.

Feruet avaritia, miseróque cupidine pectus?
Sunt verba & voces, quibus hunc lenire dolorem

Possis, & magnam morbi deponere partem.
Laudis amore tumes? sūt certa piacula, quæ te
Ter purè lecto poterunt recreare libello.
Invidus, iracundus, iners, vinosus, amator?
Nemo adeo ferus est, vt non mitescere possit,
Si modo culturæ patientem cōmodet aurem.
Virtus est vitium fugere, & sapientia prima
Stultitia caruisse.

Feruet.

Quæstionis principis argumentum tertium ex effectis: quòd animi vitiis Philosophia medeatur. Cic. Tusc. 2. Efficit hoc philosophia, medetur animis, inanes sollicitudines detrahit, cupiditatibus liberat, pellit timores. Totum autem suis partibus disputatur. quarum prima est avaritia. Feruet autè ab aquis translatus est, quæ cum ebulliunt, propriè feruere dicuntur. Cic. actione prima in Verrem. Aqua feruenti perfunditur. Ex hac autem similitudine feruere significat duci, commoueri, & perturbari. Vt apud Ciceronè pro Quintio: feruet ferturque avaritia.

Miseróque cupidine.

Auaritiam nominatim positam ex genere & effectus describit, licet nō propriè. Est enim auaritia cupido miseros efficiens homines. Nam miser cupido per metonymiam dicitur, quia miserū reddat animū, eo quòd insaturabilis sit: id quod post longā disputationē idē Flaccus. Satyra. 1. lib. 1. significat.

Inde fit, vt rarò, qui se vixisse beatum

Dicat, & exacto contentus tempore vitæ

Cadat, vt conuiua satur, reperire queamus.

In quibusdam autem codicibus (misera) legitur, quod quidem etsi Latinum est non tamen Horatianum videtur. Sequutus itaque victorinū codicē manuscriptū (misero) lego. In hoc enim autore cupido masculinum esse solet, vt Ode. 24. lib. 3.

Eradenda cupidinis

Praui sunt elementa. & Ode. 16. eiusdē lib.

Contracto cupidine:

Nec vsquam fæmininum animaduerti.

Pectus.

Animus. ex subiecto enim, id est cōtinente, cōtentum significatur per metonymiā. Animi enim sedes quorundā Philosophorū sententia, vt Parmenidis & Epicuri, est in pectore. Plutarchus lib. 4. cap. 5. de placitis philosophorum.

Verba & voces.

Geminata & idē significantia, ex quibus per

metonymiam subiecta præcepta & monita verbis
 & vocibus designata intelliguntur: Cuiusmodi
 sunt apud Platonem, Xenophōtem & alios philo-
 sophos: ut apud Ciceronem illud. 1. offic. Pecuniæ
 fugiēda cupiditas, nihil enim tam angusti animi,
 tanque parui, quàm amare dimitias, nihil hone-
 stius magnificentiūsq; , quàm pecuniam contem-
 nere, si nō habeas: si habeas, ad beneficētiā libera-
 litatēq; cōferre: & illud Salustij in Catilinæ hi-
 storia: Avaritia pecuniæ studiū habet, quā nemo
 sapiēs concupiuit. Ea quasi venenis malis imbuta,
 corpus animūq; virilē effeminat, sēper infinita
 atq; insatiabilis neq; copia neq; inopia minuitur.

Lenire dolorem.

Metaphora à fomentis chirurgorum sum-
 pta, quibus læsi corporis dolor leniri dicitur. signi-
 ficat igitur auaritiā extenuari & minui, vel
 potius tolli præceptis philosophicis. Dolorē autem
 pro cupiditate animi dixit per metaphoram.

Morbi.

Hac metaphora Stoici animi perturbationes si-
 gnificarunt. Sic enim Cic. Tuscul. 3. A. Vide-
 tur mihi cadere in sapientem ægritudo. M. Re-
 liquæ quoque perturbationes animi, formidines,
 libidines iracundiæ. Hæc enim ferè sunt eius-
 modi, quæ Græci (hos postea Stoicos fuisse dicit)
 πάθη appellant: ego poteram morbos, & id verbum

esset è verbo: sed in consuetudinem nostram non caderet. Nam misereri, inuidere, gestire, latari, hæc omnia morbos Græci appellant motus animi rationi non obtemperantes: Nos autem hos eosdē motus concitati animi rectè, ut opinor, perturbationes dixerimus: morbos autem non satis vsitatè & paulo post. At morbi perniciosiores pluresque sunt animi quàm corporis. Vide plura toto fere lib.

Laudis amore tumes.

Periphrasis ambitionis ex genere subiectoquæ & effectis: est enim ambitio amor seu cupiditas laudis & honoris elatos homines efficiens. Tumere autem inflati corporis proprium est, unde elatio animi, per similitudinem, significatur.

Piacula.

Piacula sunt propriè piamina, purgamina, lustrationes & purgationes religionis Græcorum & Romanorum, quæ vel aquæ aspersione, vel hostiæ mactatione ad scelerum expiationem fieri solebant. De quibus Ouid. 2. fast.

Omne nefas omnemque mali purgamine causam
Credebant nostri tollere posse senes.

Græcia principium moris fuit: illa nocentes

Impia lustratos ponere facta putat.

Actoridem Peleus, ipsum quoque Pelea Phoci

Cæde per Aemonias soluit Acastus aquas.

Vectam frenatis per inane draconibus Aegeus

Credulus immerita phasida fouitope.

Amphiaraides Naupacteo Acheloo,

Solue nefas, dixit, soluit & ille nefas.

Ah nimium faciles qui tristia crimina cædis

Fluminea tolli posse putatis aqua.

Inde ergo per similitudinem præcepta & admonitiones philosophicæ significantur, quibus ambitio quasi purgatur. Cuiusmodi illa Ciceronis est. 1. offi. Cauenda est etiã gloriæ cupiditas: eripit enim libertatem, pro qua magnanimis viris omnis debet esse contentio.

Ter.

Alludit ad expiationum & lustrationum morem. Nam cum in sacris omnibus ut scribit Aristoteles lib. 1. de Cælo cap. 1. tum maximè in lustrationibus ternarium numerum veteres usurpauerunt. Hinc illud Virgilij Ecloga 8.

-numero Deus impare gaudet.

& 6. *Aeneidos.*

Idem ter socios pura circum tulit unda,

Spargens rore leui & ramo fœlicis oliuæ,

Lustrauitque viros.

Hoc tamè loco ternarius numerus, qui certus est, pro incerto per synecdochen poni potest.

Purè.

Mente pura & ab omni perturbatione vacua, quam nisi adhibueris frustra laborabis. Nullum

enim Philosophiæ præcepta inuitū & repugnantem cogunt, sed sponte sequentem ducunt.

Recreare.

Recreare est, quod prius creatum & factum, sed iam labefactatum est, reslaurare, restituere, & reficere. Et ad ea pertinere videtur, quæ machinis & molitione constant. Cic. in epist. ad Qu. fratrem: Complures dirutas ac penè desertas vrbes per te esse recreatas. Inde tamen ad recuperatam corporis & animi sanitatem aptissimè transfertur.

Libello.

Metonymia subiecti pro adiuncta scriptura.

Inuidus.

Eclipsis verbi(es) vt in sequentibus.

Iracundus.

Vltionis & vindictæ cupidus: Est enim iracundia vlciscendi libido. Cic. Tuscul. 3.

Iners.

Iners propriè eum, qui artibus caret, significat. Cic. 2. de Finibus. Sed lustremus animo, non has maximas artes, quibus qui carebant, inertes à maioribus nominabantur. Hic autem ex effectis inertie, causam ipsam significat. Iners enim esse solet quisquis ignauus & laboris fugitans est. Erit ergo iners idem quod segnis, ignauus & piger.

Vinosus, amator.

Intemperans in percipiendis voluptatibus &
Veneris

Veneris & potus & aliis. Ex his enim partibus voluptatum & intemperantia genus omne sceleris nece dochicos significatur.

Ferus.

Allegoria à bestiis feris & immansuetis, ei aptè accommodata, qui, propter peruersos animi mores, hominis ad virtutem nati exuisse naturam videtur. Is enim cū resipiscit, & deposito vitio virtutem amplectitur, feros & ab homine alienos mores deserit, & quasi mitescit, fitque mansuetus & humanus.

Si modo.

Si doctrinam de moribus non aspernabitur, sed eam lubenter amplectetur. Cic. 3. Tusc. Illud quidē sic habeto (nisi sanatus animus sit) Quod sine philosophia fieri non potest, finē miseriarum nullū fore. Quamobrem quoniam occēpimus, tradamus nos ei curandos, sanabimur si volumus. Hic autē locus Polemonis exemplo planius intelligitur: quod plenissimè descriptum est apud Valeriū lib. 6. cap. 11. Et apud Laertium li. 4. in vita Polemonis. huius meminit Flaccus noster satyr. 3. lib. 2.

—Quæro faciasne quod olim

Mutatus Polemon? Ponas insignia morbi
Fasciolas, cubitalē, focalia: potus ut ille
Dicitur ex collo furtim carpsisse coronas,
Postquam est impransus correptus voce magistri?

D

COMMENTARIORVM Culturæ.

*Cultura Agrorum propria est, ut apud Flaccū
Od. 24. lib. 3. carm.*

Nec cultura placet longior annua.

Hinc autem per similitudinem translatum, philosophiam, quæ id animis nostris est, quod cultura agris, significat. Cic. 2. Tusc. Ut ager quamvis fertilis sine cultura fructuosus esse nō potest: Sic sine doctrina animus. ita est utraq; res una sine altera debilis. Cultura autem animi philosophia est, quæ extrahit vitia radicitus, & preparat animos ad satus accipiendos, eaque mandat his, & (ut ita dicam) serit, quæ adulta fructus vberrimos ferāt.

Patientem commodet aurem.

Patienter audiat, non offendatur honestis admonitionibus, ad intelligenda philosophiæ præcepta studium & operam ponat, eisque pareat. Hæc enim philosophiæ vis etsi non idem potest apud omnes: tamen valet multum, cum est idoneam cōplexa naturam. Cic. 2. Tusc. Est autem hīc insignis & poëtica metonymiæ species notanda, qua, ex causis adiuvantibus & administris cogitationis, intelligentiæ atque mentis, mentem ipsam eiusque intelligendi & obsequendi munus significat.

Virtus.

*Tertij argumenti amplificatio ex effectis: quod
virtus vitiorum fuga sit, id est, viam ad virtutem*

muniat & præparet. Non enim simpliciter virtus est. Aliud est enim vitium carere, aliud virtute præditum esse. Itaque progressio ad virtutem hîc significatur: id quod sequens oratio declarat.

Sapientia prima.

Idest, carere stultitia est sapientiæ principium. Non enim hîc absoluta consummataque sapientia significatur.

-vides, quæ maxima credis

Esse mala, exiguum censum, turpémque repulsam

Quanto deuites animi, capitísque labore?

Impiger extremos curris mercator ad Indos

Per mare pauperië fugiës, per saxa, per ignes:

Ne cures ea, quæ stultè miraris, & optas:

Discere, & audire, & meliori credere non vis?

Quis circum pagos, & circum cõpita pugna

Magna coronari contemnat olympia, cui

spes,

Cui sit conditio dulcis sine pulvere palma?

Vides.

Quartum argumentum ex fine maiorum collatione amplificato: labores & pericula subis, ut paupertatem & dedecus fugias: Quanto magis philosophiæ incumbendum tibi est, ut perturbationibus careas? Exornatur autem hæc comparatio apostrophe.

COMMENTARIORVM

Quæ maxima.

Paupertas & infamia, ex opinione vulgi, maxima mala sunt. Vulgus enim in contrariis opibus & honoribus summum bonum collocat, ut scribit Aristoteles lib. 1. ad Nicomachum, cap. 4. & Tullius Paradoxo primo docet.

Turpémque repulsam.

Aedilitiam, Tribunitiam, Consularem, aut aliam denique in magistratuum petitione. Turpis autem appellatur, quia quasi ignominia aut infamia timetur, ait Cicero 1. officiorum.

Animi capitisque.

Id est, animi & corporis contentione. Ex capite enim præcipua totius corporis parte, totum corpus per synecdochen intelligitur.

Impiger.

Comparisonis prior pars effectus declaratur per varia pericula & difficultates, mercator ad extremas orbis partes comeat. Ex vna enim orbis parte, reliquæ significantur.

Per mare.

Nauigatione.

Per saxa.

Per scopulos maris, quibus naues frequenter aliduntur, & naufragium mercatores faciunt.

Per ignes.

Per loca calida: Significatur enim zona torri-

da calor. Hunc autem totum locum idem planius declarat ode 24. lib. 3.

—neque feruidis

Pars inclusa caloribus

Mundi, nec Boreæ finitimum latus,

Durateque solo niues mercatores abigunt:
horrida callidi

Vincunt æquora nauitæ.

Magnum pauperies opprobrium iubet

Quiduis & facere & pati.

Necures.

Redditio comparationis, in qua finis primum, deinde princeps questio cum interrogatione ponitur. Ut sis tranquillo animo, & omni habendi cupiditate vacuo, non existimabis tibi philosophiam comparandam?

Quæ stultè miraris.

Bona fortunæ, amplissima imperia, opes, magistratus, & honores. De quibus Cicero Paradoxo primo.

Discere & audire.

ὑστερον καὶ πρότερον. Prius enim, audimus deinde discimus. Ex sensibus enim haustâ esse rerû cognitionem, & inde in animis impressam esse notitiam contendunt Peripatetici.

Quis circum.

Subiectio, in qua proxima interrogationi re-

spondet. Cur autem à multis derelicta sit philosophia efficientem causam, laborem & difficultatem similitudine significat. Locus hic breuitate subobscurus est, sed integra ratiocinatione, licet inconstanti, intelligitur.

Quemadmodum nullus athleta tam vilis & abiectus est, ut olympicam coronam, si ei absque labore offeratur, recuset: Ita Philosophiam, si absque labore parabilis esset, nemo desereret.

Sed ut corona sine labore non datur:

Nam ut scribit Aristoteles primi ad Nicomachum, cap. 8. ἄλμπιασιν καὶ οἱ κάλλιστοι καὶ ἰσχυρότατοι στεφανοῦνται, ἀλλ' οἱ ἀγωνιζόμενοι, Id est, in Olympiis non formosissimi & fortissimi coronantur, sed qui decertant.

Ita nec philosophia sine labore parabilis est. Praclare enim Flaccus in arte:

Qui studet optatam cursu contingere metam,
Multa tulit, fecitque puer, sudauit, & alsit,
Abstiniuit Venere & vino: qui Pythia cantat
Tibicen didicit prius, extimuitq; magistrum.
Et satyr. 9. lib. 1.

-nil sine magno

Vita labore dedit mortalibus.

Itaque labore territi permulti philosophiam deserunt. Hinc igitur clarius elucet Flacci sententia, quæ obscura tantum propositionis significatione,

quasi per anigma, proposita videtur.

Magna.

Repete ex proximo versu coniunctionē (circum)
vel intellige desiderari per eclipsim præpositionē
(ad) vel aliam. Puluere.

Sine labore. Is enim ex adiunctis consequen-
tibus significatur. Palmæ.

Ex adiuncto victoriæ premio victoriæ signifi-
catur. Hic autē locus antiquitatis cognitionem re-
quirit, cuius nonnullis fortasse Hor. ignarus videri
possit. Quatuor enim in Græcia sacra certamina
fuisse, Olympia, Pythia, Isthmia & Nemea: &
Olympiorū victores oleastro, Pythiorū lauro, Isth-
miorū Pinu vel apio arido, Nemeorū denique a-
pio viridi coronari solitos nemo nescit: mirum ita-
que cuiusquam videri poterit, cur Olympionicis pal-
mam hoc loco Flaccus tribuerit. Intelligendum
autem est duo præmiorum genera victoribus da-
ta fuisse: Vnum quod erat singulorum certaminū
propriū, Alterū quod erat cōmune omniū, &
propria illa esse quæ dicta sunt: cōmune autē om-
niū præmiū palmā esse: quā in manu dextra vi-
ctores gestabant. Id tamen si nullus grammaticorū
quod sciam, notauerit: Veterum tamen testimoniū
& locorum multorum coniecturis ita esse videbi-
tur. Pausanias in Arcadicis: victores vtrique cūcti
vbique locorum palmam manu præferunt & pau

lo ante: *Alteri pilæ Iasius insistit. Laeva equum detinens, dextra palmæ ramum ferens: Is equo in Olympiâ dicitur vicisse, quo primum tēpore Thebanus Hercules Olympiorum cōuentum instituit. Vitruuius lib. 9. nobilibus athletis, qui Olympiâ, Pythiâ, Isthmiâ, Nemeâ vicissent, Græcorum maiores ita magnos honores instituerunt, ut hi non modò in conuentu stantes cum palma & corona ferant laudes, sed etiam cū reuertantur in suas ciuitates cum victoriâ triumphantes quadrigis in mœnia & in patrias inuehantur, &que repub. perpetua vitâ constitutis vœtigalibus fruantur. Id etiam Plutar. apertè docet *συμπτομαχῶν* li. 8. Quæst. 4. Morem verò victoribus tradendæ palmæ Pausanias in Arcadicis describit: Eius rei (ait) huiusmodi traditur initium fuisse. Thesē aiunt è Creta reducem Deli ludos fecisse victorēsque palma coronasse. Idem ferè Plutarchus in loco prius notato. De palma item vide Gell. cap. 6. lib. 3. Quantus autem honos is esset apud Græcos, declarat ex Vitruuio citatus locus, & Cic. in orat. pro Flacc. *Acinas pugil Olympionices, quod est apud Græcos propè maius & gloriosius, quàm Romæ triumphasse.* Vide præterea Isocratis orationem de iugo equorum.*

Vilius argentum est auro, virtutibus aurum.
O ciues ciues. quærenda pecunia primum est:

Virtus post nummos. hæc Ianus summus ab
iuno

Perdocet : hæc recinunt iuvenes dictata, se-
nèque

Læuo suspensi loculos, tabulâmq; lacerto.

Vilius.

*Digreditur in suorum temporum auaritiam, quâ
ex effectis dissimilitudine illustratis ostendit. Li-
cet diuitiis melior sit virtus: diuitias tamen virtu-
ti Romani anteponunt.*

Ciues.

*Αὐταπόδοις dissimilitudinis epistrophe & epi-
zeuxi exornata.*

Quærenda.

*In diuitiis prius quàm in virtute, contra quàm
debet, studium & operam ponendam arbitramini.
Plato enim lib. 1. & 5. de leg. primum virtutis, se-
cundum sanitatis, tertium diuitiarum studium es-
se scribit.*

Pecunia.

*Pecunia à pecu (ait Varro.) lib. 4. de ling. lat.
dicitur quòd in pecore pecunia tũ cõsistebat pasto-
ribus: primæ enim diuitiæ fuerunt in pecore, quod
apertè significat Lucretius lib. 5.*

Condere cœperunt vrbes, arcemque locare

Præsidium reges ipsi sibi perfugiumque:

Et pecudes & agros diuisere atque dedere,

Pro facie cuiusque & viribus ingenioque.

Posterius res inuenta est aurumque repertum.

Postea numi, pecuniæ nomine, quod cæteris diuitiarum artibus præstare videretur synecdochice significari cœperunt. à pastoribus tamē natum vocabulum, vt ait Varro.

Hæc Ianus.

Confirmatio proximorum effectorum testimonio fœneratorum, qui per metonymiam ex subiecto loco, in quem conueniebant, significantur. De quibus Cic. 2. offi. Sed toto hoc de genere de quaerenda & collocanda pecunia, etiam de vtenda commodius à quibusdam bonis viris, ad medium Ianum sedentibus, quàm ab ullis philosophis vlla in schola disputatur. Locus autem fœneratorum à Iani templo dictus est, quod à Numa dictum in foro boario, vt scribit Plin. lib. 34. cap. 7. vel, vt Ouid. significat, inter duo fora, Boariū & Piscarium (in quæ ex Capitolio descendebatur) eo in loco vnde aquarum calidarum magna vis, ad Sabinorū in vrbe arcem contendentium impetum reprimendū, diuinitus erupisse creditur. Id quod Varro 4. de ling. lat. indicat: Lautula à lauando, quod ibi ad Ianum geminum aquæ calidæ fuerunt: ab his palus fluit in minori velabro. Ouidij versus ex primo Fastorum hi sunt.

Cum tot sint Iani, cur sic sacratus in vno es,

Hic ubi templa foris iuncta duobus habes?

Ille manu mulcens propensam ad pectora barbam

Protinus Oebalij rettulit arma Tati:

Vtque levis custos armillis capta Sabinis

Ad summæ Tatium duxerat arcis iter.

Inde, velut nunc est, per quem descenditis, inquit,

Ardus in valles per fora cliuus erat.

Et iam contigerant portam, Saturnia cuius

Dempserat oppositas insidiosa seras.

Cum tanto veritus committere numine pugnam,

Ipse meæ moui callidus artis opem.

Oraque, qua pollens ope sum, fontana reclusi,

Sûmque repentinas ei aculatus aquas.

Ante tamen madidis subieci sulphura venis:

Clauderet ut Tatio feruidus humor iter.

Cuius ut utilitas pulsas comperta Sabinis,

Quæ fuerat, tuto reddita forma loco est.

Ara mihi persita est paruo coniuncta sacello:

Hæc adolet flammis cum strue farra suis.

Hæc recinunt.

*Alterum testimonium populi duabus partibus
significati senibus, & iuuenibus.*

Dictata.

*A patribus vel à cõmuni popularium senten-
tia. De qua Horatius epist. i. lib. 2.*

Romæ dulce diu fuit & solenne, reclusa

Mane domo vigilare, clienti promere iura,

COMMENTARIORVM

Cautos nominibus certis expendere nummos,
Maiores audire, minori dicere per quæ
Crescere res posset, minui: damnosa voluptas!

Ex qua etiam Sthaberij testamentum factum idẽ
insecutatur. — Credo

Hoc Sthaberi prudentẽ animũ vidisse! quid ergo
Sensit, cum summam patrimonij insculpere saxo
Hæredes voluit? quod vixit, credidit ingens
Pauperiem vitium, & cavit nihil acrius: Vt, si
Fortè minus locuples vno quadrante periret,
Ipse videretur sibi nequior. Omnis enim res,
Virtus, fama, decus, diuina, humanaque, pulchris
Diuitiis parent: quas qui construxerit, ille
Clarius erit, fortis, iustus, sapiens etiam, & rex,
Et quicquid volet.

Omnia enim plebs imperita quæstu, pretio & vti
litate metitur. Læuo.

Fœneratorũ senum & iuuenũ quadã descri-
ptio ex adiunctis. Illorũ enim in brachio sinistro
pēdebāt loculi Vt inde quod numeraretur prome-
rēt; in dextro autē tabula, in qua numerarent: Vel
hoc ad pueros & iuuenes dūtaxat referendũ, qui
in ludum ratiocinatoris Flauij, aut alius mitti sole-
bant, qua de re Horat. satyr. 6. lib. 1. Et in art. poët:

Romani pueri longis rationibus affem
Discunt in partes centum diducere, dicat
Filius Albini. Si de quincunce remota est

*Vncia, quid superat? poteras dixisse triens? heu,
Rem poteris seruare tuā. Redit vncia, quid fit?
Semis.*

*Est autem hic notāda hypallage grammatica, qua
adiiectiuum loculorum & tabulæ adiunctæ pro-
prium subiectis attribuitur. Est etiam eclipsis præ-
positionis (per) aut similis, ad imitationem græco-
rum, quibus familiare est accusatiuum vi proposi-
tionis omissæ, & adiectiuis subiicere. Latini id
omne per ablatiuū efferunt sic: Iuuenes & senes
suspensis in læuo oculis & in brachio dextro ta-
bulâ hæc recinunt. De quo loquendi genere Li-
nacræ lib. 6. de emend. struct.*

Lacerto.

*Ex brachij musculis, qui lacerti dicuntur, totum
brachium per synecdochen intelligendum est: idq;
dextrū, in quo valentiores lacerti firmioresq; sunt.
Si quadringentis sex septem millia defunt:
Est animus tibi, sunt mores & lingua, fidēsq;
Plebs eris. At pueri ludentes, Rex eris, aiunt,
Si recte facies: hic murus ahæneus esto,
Nil conscire sibi, nulla pallescere culpa.
Roscia, dic sodes, melior lex, an puerorum
Nenia, quæ rectè regnum facientibus offert,
Et maribus Curiis, & decantata Camillis?
Is ne tibi melius suadet, qui vt rē facias, rem
Si possis rectè: si non, quocunque modo rem:
Vt ppius spectes lachrymosa poemata Puppi?*

An qui fortunæ te respondere superba
Liberum, & erectum præsens hortatur, &
optat?

Si quadringentis.

*Alterum auaritiæ Romanorum argumentum
ex aliis effectis, quod lata lege viri boni, quibus
equester census non sit, è quatuordecim theatri
primis ordinibus arceantur. Legis capita duo fue-
runt: quorum alterum ad equites, alterum ad plebeios
diuites spectabat. Prioris ergo hæc summa est:*

*Romanis equitibus, in theatro, quatuordecim
gradus proximi assignantur:*

*Ab illis tamen qui vel suo vel fortunæ vitio
decoxerint remouentur.*

*Huius capitis ex 99. Flori epit. in Liu. prior pars
ad verbum describitur: Posterior ex secunda Cice-
ronis Philippica colligitur: Illud tamen audaciæ
tuæ (ait) quod sedisti in quatuordecim ordinibus:
Cum esset lege roscia decoctoribus certus locus
constitutus, qui fortunæ vitio non suo decoxissent.
Hanc autem legis particulam, quod seuerior vi-
deretur, Augustus postea emendauit. Sic enim
Suetonius in eius vita cap. 40. Cum autem plerique
equitum attrito bellis ciuilibus patrimonio specta-
re ludos è quatuordecim non auderent, metu pœnæ
theatralis, pronunciauit non teneri eam, quibus ip-
sis, parentibusue equester census vnquam fuisset.*

Secundum caput legis erat:

*Quicumque quadringenta sestertia possident,
eis in quatuordecim gradibus inter equites
spectandi Ius esto: Secus ne spectanto.*

*De quo capite plenissime Pomponius Letus in. l.
Othonia lib. de le. Rom. hanc igitur legem tulit Lu-
cius Roscius Otho trib. pleb. quatuor annis ante
Ciceronis consulatum. Porro autem Sestertius, qui
etiam numus dicitur, decem denariolis turonen-
sibus & vno dimidio à Budæo æstimatur. Mille
vero sestertij vel numi vnum sestertium reddunt
quadringenta itaque millia sestertium vel numum
quadringenta ferè sestertia efficiunt, id est, 17500
Francos nostros. Hic igitur locus hanc habet sen-
tentiam: Si quadringentis millibus numum sex aut
septem millia numum desunt, id est, sex vel se-
ptem sestertia, plebeius eris.*

Est animus.

*Prudentia & consilium. ex subiecto enim ad-
iunctum cōsiliū & omnes cogitationis & intelli-
gentiæ virtutes, quæ ab Aristotele tum διανοητικὰ
tum λογικὰ secundo ad Nicomachum appellātur.*

Mores.

*Hoc ad virtutes morales, quæ in actione ver-
santur: quas Aristoteles ἠθικὰς eodē loco appellat.*

Lingua.

Ex efficiente causa Metonymicos effectum si-

COMMENTARIORVM

gnificat, id est, eloquentiam, cuius maximè necessarium instrumentum linguam esse constat.

Fides.

Dictorū & factorū constantia & veritas: quæ iustitiæ fundamentum Ciceroni dicitur, lib. 1. officiorum.

Plebs eris.

In loco plebi constituto, qui Suetonio Populæ dicitur, sedebis ab equitum ordinibus expulsus. Hinc Iuuenalis, satyr. 3.

Nil habet infelix paupertas durius in se,
Quàm quòd ridiculos homines facit: Exeat, inquit,

Si pudor est, & de puluino surgat equestri,
Cuius res legi non sufficit, & sedeant hîc
Lenonum pueri quocunque in fornice nati.
Sic libitum vano qui nos distinxit Othoni.

At pueri.

Othoniæ legis reprehensio argumento ex repugnantibus, puerorum testimonio approbata: Vir bonus rex est: non igitur plebeius est habendus.

Rex eris.

Carmen est, quod pueri in funere bonorum virorum canere solebant, & deinde, quod fieri solet, ipsi inter se ludentes repetebant. Hortatur verò ad virtutis studium argumento ex adiunctis: quòd, qui virtute præditi sunt, ij sint reges, id est, magni
& excellen-

& excellentes, clari & illustres, liberi & potentes : cuiusmodi reges quamplurimi habiti sunt: quorum memoria literis & historiarum monumentis mandata, æternitati consecrata est.

Hic murus.

Pars hæc etiam carminis puerilis esse videtur, quæ aliis item adiunctis ad virtutem inuitat: quòd virtus aduersus omnes fortunæ impetus refugium & præsidium tutum sit. Id quod Horatius ode 3. lib. 3. præclare expressit:

Iustum, & tenacem propositi virum,

Non ciuium ardor praua iubentium,

Non vultus instantis tyranni

Mente quatit solida, neque Auster

Dux inquieti turbidus Adriæ,

Nec fulminantis magna Iouis manus:

Si fractus illabatur orbis,

Impavidum ferient ruinæ.

Vide totam Ciceronis Tusculanam quintam.

Nil conscire sibi.

Definitio virtutis vel studiosi hominis ex contrario. Nā sceleratus cōscientiæ stimulis vexatus iudicū iustā commeritamque seueritatem, & diuinam animadversionem perhorrescit: quorum in eo nihil est, qui rectè factorum sibi conscius studiose vitam agit.

COMMENTARIORVM

Pallefcere.

Effectus eft timoris pallor, ideóque pallefcere fignificat timere & formidare.

Rofcia.

Puerorum teftimonij commendatio ex minorum collatione: puerorum Nenia melior eft lege Othonia. Probatnr autem hæc comparatio effectis vtriusq; partis, & hac ratiocinatione cõcluditur.

Melius id eft quod ad virtutem, quàm quod ad rem nos adhortatur.

Sed puerorum Nenia ad virtutẽ, lex Othonia ad rem nos adhortatur.

Ergo puerorum Nenia lege Othonia melior eft.

Conclufio prima eft, cum qua affumptionis pars altera coniungitur: altera verò ex proximo loco facile intelligitur: propositio vltimo loco ponitur.

Nenia.

Nenia Lugubre apud Romanos carmen erat. hoc autem mulier Præfica honoratorum laudes poft concionem, quæ easdem commemorabat, profequebatur, vt ex 1. cap. 8. lib. Quintil. & 2. Ciceron. lib. de legi. & 4. Varro. de vita popul. Rom. apud Nonium colligitur. Indicat etiam hic locus à pueris vnà hoc carmen cantari folitum nomen

vero ex lugentium sono quē hoc carmē referebat
fictum esse videtur: Vnde Græci etiam verbum
λυγνέω quod lugere significat, formauerunt.

Que regnum.

Assumptionis pars prior.

Et maribus Curiis.

Eiusdem partis illustratio ex subiecto in quo
occupatur: in funere enim illustrium virorum Ne-
nia cani solebat, cuiusmodi fuerunt Curius & Ca-
millus. Cicero. 2. de legib. Honoratorum virorum
laudes in concione memorantur, easque etiam cā-
tus ad tribicinam prosequantur, cui nomen Nenia:
quo vocabulo etiam Græcos cantus lugubres no-
minant.

Maribus curiis.

In laudem fortium & studiosorum virorum
mas & fœmina omne animalis genus diuidunt:
& quia mares in omni genere robustiores fortio-
resque fœminis esse solent, ideo pro fortibus &
virilibus atque magnanimis vsurpari solent. Flac.
in arte Poë.

Tyrtaeusque mares animos in martia bella
Versibus exacuit.

Est etiam hic notandum maribus Curiis &
Camillis, per synecdochen fortes viros generaliter

COMMENTARIORVM

*significari. De Curio, Valer. lib. 4. cap. de continē-
tia, & Plin. De viris Illustr. cap. 33. De Camillo
idem cap. 25. & Plutarch. in eius vita. & Li-
uius toto ferè quinto primæ decadis lib. Ille de
Samnitibus, hic De Veientibus primùm, deinde
de Gallis, qui duce Brenno Romam cæso eius ex-
ercitu, occupauerant, triumphauit.*

Is ne tibi.

Notatæ ratiocinationis propositio.

Vt rem facias.

Suadet vt diuitias tibi compares.

Rem si possis.

Si diuitias honestè possis comparare.

Si non.

Si non rectè possis rem facere.

Quocunque modo.

Quo iure quaque iniuria suadet vt rem facias.

Vt propius.

*Propositionis pars altera argumento ex fine il-
lustrata: vt ex primis ab Orchestra quatuordecim
ordinibus ludos spectare liceat.*

Puppi.

*Puppius tragicus poëta tantus artifex mouen-
dæ commiserationis fuit, vt spectatam populum ad*

lachrymas compellere solitus sit: Vnde illud eius de se ipso in Porphirionis commentariis distichon extat:

Flebunt amici & bene noti morte mea:

Nam populus omnis me viuo lachrymatus est. Lachrymosa itaque poëmata dicuntur per metonymiam, quòd spectatores lachrymari cogerent. Ex Puppij autem poëmatibus omnia generaliter per synecdochen intelliguntur.

Responsare.

Altera propositionis pars. Est autem propriè respondere increpanti & obiurganti, vel accusanti respondendo contradicere & resistere. Vnde ad mentis constantiam fortunæ calamitatibus ratione & consilio resistentem transfertur.

Liberum.

Metu ceterisque perturbationibus vacuum.

Erectum.

Fortem, inuictum, constantem, non succumbentem. Metaphora à validis & robustis baiulis, qui oneri non succumbunt: quam apertè declarat Ouid. eleg. 7. lib. 2. de Ponto:

Sustineas ut onus, nitendum est vertice recto:

At, flecti nervos si patiare, cades.

Quòd si me popul' Romanus fortè roget, cur Non ut porticibus, sic iudiciis fruam iisdem:

E iij

Nec sequar, ac fugiã quæ diligit ipse, vel odit?
Olim quod vulpes ægroto cauta leoni
Respōdit, referam, quia me vestigia terrent,
Omnia te aduersum spectantia, nulla retror-
sum.

Bellua multorum 'es capitum. Nam quid se-
quar? aut quem?

Pars hominũ gestit conducere publica: sunt
qui

Frustris & pomis viduas venentur auaras
Excipiãtque senes, quos in viuaria mittant.
Multis occulto crescit res fœnore.

Quod si me.

*Hactenus Romanorum auaritiam proxima
digressione insectatus est: Prolepsis deinceps se-
quitur, in qua eorundem suos mores defendentiũ
Romanorum obiectio similitudine confirmata sic
anticipatur: Tu frueris iisdem atque populus vr-
bis commoditatibus: Cur non igitur eadem iudi-
cia sectaris & probas?*

Porticibus.

*Porticus locus est contra repentinos imbres &
solis ardorem liberæ deambulationis causa tectus:
hinc Ci. Orat. 2. ad Quin. frat. num tãdẽ aut locus
hic non idoneus videtur, in quo porticus hæc ipsa,
vbi inambulamus, & in Lucullo: Familiarẽ no-
strum Auianũ fortasse in porticu Neptuni am-*

bulantem non videmus: quare ambulationem appellat Catullus in Camerium.

*Te quæsiuimus in minore campo,
Te in Circo, te & in omnibus tabernis,
Te in templo superi Iouis sacrato,
In magni simul ambulatione.*

Significat enim Porticum pompeianā, sed ex vna, nec ea parua Urbis commoditate reliquas significat Horatius.

Nec sequar.

Clarius interpretatur quid sit iisdem iudiciis frui, idque duabus partibus, quibus omne iudiciū cōtinetur. Aut enim probamus & retinemus aliquid, aut contra improbamus & reiicimus.

Olim quod vulpes.

Subiectio in qua efficiens caussa, qua impulsus est Horatius ad deserendum populi iudiciū, ficta similitudine significatur: Nam quemadmodū animalia, quæ egrotum leonem visebant, inde salua non redibant, vt vulpes respondit: sic multi iudiciū populi sequentes eo infatuati nunquam sapientes euadunt. similitudinis tamē propositio sola ponitur ex qua redditio clarè significatur.

Bellua.

Insipientiam eorum qui populare iudiciū sectantur efficiēte causa ostendit: quod varia & sibi dissidens sit populi sententia. Id quod signifi-

E iij

catur similitudine : populus est tanquam bellua multorum capitum. Vbi capita metonymicōs pro sententiis & iudiciis ponuntur. Popularis autem iudicii varietatem & inconstantiam sic Terentius notat in Phorm. Act. 2. scena 4. quot capita tot sententiæ. Cicero item pro domo : In imperita multitudine est varietas & incōstātia, & crebra, tanquam tempestatum, sic sententiarū cōmutatio.

Nam quid.

Varietatem sententiarum partiū enumeratione apertius declarat, & addubitatione exornat. Partes autem secundi sunt generis, quibus totū in sua effecta diuiditur: quarum prima est publicanorū, qui publica populi Romani vestigalia conducunt & redimunt. Sunt qui.

Secunda pars captatorum est, quibus propositum erat paruis muneribus viduarum & diuitum senum hereditates callidè captare. quos hoc disticho Martialis false notat lib. 8.

Munera qui tibi dat locupleti, Gaure, seni que,
Si sapi & sentis, hic tibi ait, morere.

Est autem à piscatoribus allegoria.

Fruſtis & pomis.

Parua dona, esca piscatorum similitudine, significat. Venentur.

Metaphora à venatoribus sumpta, paulo superiori dissimilis. Venari itaq; hīc est callidè conciliare.

Auaras.

Habendi cupidas. ex adiuncta autem auaritia diuites mulieres significat, quæ solæ ferè sunt auaræ. Iuxta illud Ouidij. 1. Fast.

*Sic quibus intumuit suffusa venter ab vnda,
Quo plus sunt potæ, plus sitiuntur aquæ.*

Excipiant.

Alliciant, attrahant ad se: vt piscatores inescatos pisces hamo ex flumine excipiunt.

Viuaria mittant.

Ad suam propriamque vtilitatem conuertant, vel quorum hereditates in suam domum transferant, vt piscatores ex pub. flumine captos pisces in viuaria priuata includunt. Viuaria vero proprie loca sunt, in quibus vini pisces, vel feræ, vel aues, victus causa asservantur.

Multis.

Tertia pars est fœneratorum, qui ex adiunctis significantur. fœneratores enim sunt, quibus res fœnore augetur. Cuiusmodi fuit Alphius, de quo Horatius od. 2. Epodon. Cato item maior qui Censorinus dictus est, eo fœnore in re nautica utebatur, quod maximè reprehensum est. Iubebat enim, quibus mutuo dederat, vt multos cõmuniter in societatem asciscerèt: qui cum quinquaginta toridè nauibus dissipati essent, ipse præter vsurā, partem etiam vnā, per Quintiū Libertum nauigationis comitem, accipiebat. Pluta. in eius vita.

Esto aliis alios rebus, studiisq̃ue teneri:
 Iidem eadem possunt horã durare probãtes?
 Nullus in orbe sinus Baiis prælucet amœnis
 Si dixit diues, lacus, & mare sentit amorem
 Festinantis heri: cui si vitiosa libido
 Fecerit auspiciũ, cras ferramenta Teanum
 Tolleſtis fabri. lectus genialis in aula est:
 Nil ait eſſe prius, melius nil cœlibe vita:
 Si non eſt, iurat bene ſolis eſſe maritis.
 Quo teneam vultus mutãtem Protea nodo?

Verum eſto.

*Popularis iudicij varietas tribus adhuc parti-
 bus diſputata, ſub hac conceſſionis exornatione
 concluditur: & multo maior non in toto populo,
 vt antea, ſed in ſingulis proponitur, & duabus de-
 inceptis partibus confirmatur.*

Nullus.

*Prima pars ſpecialis inconstantia eſt diuitum,
 quæ effectis explicatur: hi nanque nunc in vnũ,
 nunc in alium locum mutata voluntate conten-
 dunt: Nunc cœlibem, nunc maritorum vitam ex-
 petunt. Primum ergo deliberantis diuitis de ade-
 undo Baiarum ſinu conſilium adiunctis, minorum*

collatione amplificatis, & prosopopœia exornatis declaratur: quòd ille locus omnium sit amœnissimus. Est autem locus in Campania, à Baia quodam, Vlyssis socio: sic appellatus, vt scribit Strabo circiter finem lib. 5. Vbi Baiarum plena descriptio est. De quibus Propertius libro tertio, elegia decimasextima.

Clausus ab Umbroso quàm ludit Pontus Auerno,

Humida Baiarum stagna tepentis aquæ,

Qua iacet & Troiæ tubicen Misenus arena,

Et sonat Herculeo structa labore via.

Huius loci amœnitatem Martialis indicat libro vndecimo.

Littus beatæ Veneris aureum Baias

Superbæ blanda dona naturæ

Vt mille laudem, Flacce, versibus, Baias

Laudabo, dignè non satis tamen Baias.

Lacus.

Baiarum lacus Lucrinus significatur. De quo Strabo libro quinto: Huius conchylia pro optimis vsurpat Horatius ode 2. Epod. Sed ex lacu, eos qui circa eum degunt, intelligendos relinquit.

Mare.

Qui ad eam maris mediterranei oram habitant.

*Percipiunt & animaduertunt dominum loci
amœnitate delectari.*

Fecerit auspicium.

*Auspicium est agenda aut non agenda rei ex
dextro vel sinistro auium volatu, numero, cantu
petita confirmatio. Cicero de diuinatione: Aliis à
dextra, aliis à laeva, datum est auibus, ut ratum au-
spicium faciant. Inde igitur sumpta metaphora,
vitiosa libido facit auspicium, hoc est, suadet, &
hortatur.*

Cras ferramenta.

*Sequenti die diues Teanum contēdet & pro-
ficiscetur. Hoc enim Flaccus ex profectiois ad-
iunctis acutè significat. Comitatus enim impedi-
menta, quæ hic per ferramenta intelligit, principes
& diuites eò præmitere solent, quò profecturi
sunt.*

Teanum.

*In 2. Cic. Agraria, & in Cluentiana per Th.
tribus locis, nisi sit librarij mendum scribitur.
Strabo autem & Plinius per. T. cōstanter vbiq̃ue
scribunt. Duplex verò in Italia Teanum veteres
descripserunt, vnum cognomine Sidicinum Pli-
nio cap. 5. libr. 3. In extremis finibus Latinorum,*

quòd inter Campaniæ vectigalium populi Romani sedis pulcherrimæ oppida Tullius Agraria secunda numerat. De quo Strabo lib. 5. & id hoc loco intelligitur. Alterū Apulum ὁμόνυμον τῷ Σιδικινῷ, καὶ ὁ δοκεῖ συνάγεσθαι τὸ τῆς Ἰταλίας πλάτος: hoc est, eiusdem nominis atque Sidicinum, ubi Italiæ latitudo contrahi videtur, ut ait Strabo libro 6. Abest autem id à Larino decem milia passuum Cic. pro Cluentio.

Lectus genialis.

Coniugalis & maritus: Is enim Genialis dicitur, quia in honorem genij, ut ait Sextus Pompeius, nuptiarum tēpore sternebatur. Hinc Catul. in epithalamio Pelei & Theridis:

Pulvinar verò diuæ Geniale locatur

Aedibus in mediis.

Ex coniugali autem adiuncto coniugium ipsum significatur.

Aulæ.

In ædibus magnificis & splendidis. Quales esse solent principum aulæ.

Cœlibe vita.

Id est, cœlibem vitam laudat, eamque repente mutata voluntate exoptat.

Sinon est.

Lectus genialis in aula: id est, si non est maritus.

Iurat bene.

Solos maritos felices asseuerat, & eorum vitam probat.

Quo teneam.

Concludit diuitis inconstantiam, Protei similitudine significatam: Ut Protei corpus varium atque mutabile nullis vinculis contineri poterat, sic animus diuitis mutabilis nulla in sententia permanet. De Proteo Virg. 4. Georg.

*Omnia transformat sese in miracula rerum,
Ignemque horribilemque feram, fluiumque
liquentem.*

Et Ouidius fastorum primo:

*Ille suam faciem transformat & alterat arte.
Fabulam describunt Homerus 4. Odyssæ, &
Dyodorus Siculus lib. 2. Eius vim interpretatur
auditor Platonis Heraclides Ponticus, in Allegoriis Homericis.*

*Quid pauper? ride: mutat coenacula, lectos,
Balnea, tonsores, conducto nauigio æquè
Nauseat ac locuples, quæ ducit priua triremis*

Quid pauper?

Secunda pars singularis inconstantiae pauperum est: quæ effectis declaratur.

Coënacula.

Vbi cubabant Cubiculum, vbi coenabant coënaculum vocitabant. Posteaquàm in superiore parte coenitare coeperunt, superioris domus vniuersa coënacula dicta. Varro lib. 4. de ling. Latina.

Conducto.

Quintum effectum inconstantiae pauperis, ad diuersa loca nauigatio, quam adiuncta nausea, quæ nauigantibus accidere solet, & efficiente causa significat, & parium collatione amplificat. nauigium verò Latinis omne nauis genus est vt Græcis ναυδγιον.

Quem ducit priua.

Qui non conducta, vt pauper, sed sua nauis vehitur.

Si curtatus inæquali tonsore capillos
Occurri, rides: si fortè subucula pexæ
Trita subest tunicæ, vel si toga dissidet impar,
Rides. quid mea cum pugnat sententia secū?
Quod petiit, spernit: repetit quod nuper omisit:
Aestuat, & vitæ disconuenit ordine toto:

COMMENTARIORVM

Diruit, ædificat, mutat quadrata rotundis.
Insanire putas solennia me, neque rides,
Nec medici credis, nec curatoris egere
A prætore dati: rerum tutela mearum
Cum sis, & prauè sectum stomacheris ob vngu-
guem
De te pendentis, te respicientis amici?

Si curtatus.

Quorum adhuc inconstantiam & leuitatem probauit, eos nunc obscura parium collatione insanos & irridendos esse ostendit. Sola tamen comparationis protasis disputatur. Horatius insanus & irridendus est. Argumentum est ex effectis, Syllogismus connexus primus.

Si mea sententia secum dissidet, sum ridendus, & insanus Mecœnati habendus.

Sed illud:

Hoc igitur.

Propositio maiorum collationibus amplificata præcedit.

Inæquali tonsore.

Prima maiorum collatio efficiente causa illustrata. Vbi tonsor inæqualis per metonymiam dicitur, quòd inæqualiter tondeat.

Curtatus



Curtatus capillos.

Hellenismus, id est, Græca dictio, qua adiectino subiungitur accusatiuus vi suppressæ præpositionis, per, vel alius similis significationis: ut apud Græcos &c. Vide Linac. de emend. struct. lib. 6.

Rides.

Hoc verbum, in fine huius sententiæ & sequentis, similiter repetitum, Rhetoricam λέξις figuram epistrophen efficit, quam etiam Lupus Rutilius ex Gorgia ἐπίτροπος, author ad Herennium conuersionem appellat.

Si fortè.

Secunda maiorum collatio: si pexæ, hoc est, villosæ & molli tunica (quæ ut cuti gratior sit etiam ei, quàm subucula, propior esse debet) trita, aspera, & rudis subucula subiecta est, quæ cutem attingat, rides: quia stultè & ineptè id fiat.

Vel si toga.

Tertia maiorum collatio. Si in composita togâ sit, rides.

Quid meâ.

Redditio trium comparisonum, in qua minora quasi ex maioribus extorta concluduntur,

COMMENTARIORVM
quæ syllogismi prius notati propositionē efficiunt.

Quod petiit.

*Assumptio effectis disputata: At mea secum
sententia dissidet, Nam petita spernit, & spreta,
repetit, &c.*

Mutat quadrata.

Quæ prius quadrata erant, rotunda facit.

Insanire.

*Conclusio syllogismi: Ergo Horatius Meccœ-
nati ridendus & insanus habendus. Conclusionis
autem prior pars superioribus effectis pressius ite-
ratis amplificatur: Vides me maximis in rebus per
insaniam peccare, & non rides?*

Solennia.

*Eclipsis præpositionis, per, vel similis, cuius vi
accusatiuo post verbum neutrum locus est, ad imi-
tationem Græcorum præpositionem καὶ similiter
subtrahentium. Sunt autem solennia, ut ex vi ver-
bi intelligitur, quæ solum in anno semel fiunt, ut
ludi solennes, sacra, &c. Et quia illa magnæ reli-
gionis esse solebant, fit ut pro magnis usurpentur,
idque per synecdochen.*

Nec medici.

Conclusionis altera pars (*Horatius est Mecœnati insanus habendus*) adiunctū significatur, quæ aliis adiunctis item & maioribus approbantur, in hanc sententiam. Tu cum sis tutor meus & minime delicto offendaris, non medico, (qui præscripta elebori potione cerebrum purget) & curatore, qui rebus meis (quarum administrationem leges xij. Tabularum furioso sustulerunt) prudenter consulat, mihi opus esse putas? Hoc igitur adiunctum, egere medico insanum, furiosum, & mente captum significat. Qua de re vide quæ congesta sunt ab Erasmo in proverbiis. Bibe eleborum, & Nauiget Anticyram.

Curatoris egere.

Hoc item adiunctū furiosi est, & mente capti. Dabantur enim à prætore ex lege xij. tabularum furiosis & mente captis rerū curatores: Cic. circiter principium tertiæ Tusc. Nam qui ita sit affectus, cum dominum esse rerum suarum vetant xij. tabulæ. Vide titulum ultimum libri xxvij. pandectarum, de Curatoribus furioso & prodigo, vel aliis extra minores dandis.

Ob vnguem.

Ob minimum delictum.

COMMENTARIORVM

De te pendentis.

Periphrasis clientis Romani.

Ad summā sapiēs vno minor est Ioue, diues,
Liber, honoratus, pulcher, rex deniq; regum,
Præcipuè sanus, nisi cum pituita molesta est.

Ad summam.

*Questiōne præcipuā totius epistolæ concludit,
eamq; effectis philosophiæ, quæ philosophi adiun-
cta sunt, significatam: Est igitur in studium phi-
losophiæ Horatio incumbendum: quod sapiens,
qualem philosophia efficit, solo Ioue minor, cate-
ris antecellat.*

Diues.

*Sapienti attributas laudes confirmat ex ad-
iunctis, quæ ex Stoicorum paradoxis desumuntur.
Quòd autem solus sapiens diues sit, lege sextum
Ciceronis paradoxum. Verum non externas, sed
animi diuitias hoc loco intelligit. De quibus Ci-
cero primo paradoxo.*

Liber.

*Hoc item disputatur à Cicerone quinto para-
doxo. Manauit autem hoc ex Socratis disputa-
tione, quæ apud Xenophontē 4. ἀπορρημονευμάτων
extat. Liberi enim esse dicit honesta & recta fa-
cere, serui autem habere aliquid, quo intus ratio
impediatur.*

Rex regum.

Hoc videt Horatius in fine satyræ tertiæ libri primi, vel potius calumniatur. Nam illic regem propriè accipit: hoc verò in loco, ex Stoicorum sententia, rex per metaphoram usurpatur, pro eo qui cupiditatibus imperat, & in quo ratio præest appetitus obtemperat: estque idem Stoicis liber atque rex.

Præcipuè sanus.

Hac correctione Stoicorum nimia seueritas & morositas latenter taxatur, vt in epistola sexta huius libri.

*Insani sapiens nomen ferat, æquus iniqui,
Vltra quàm satis est, virtutem si petat ipsam.*

Nisi cum.

Explicatio sani ex contrario efficiente causa illustrato: nisi cum pituita acrimonia in morositatem & asperitatem concitatur.

COMMENTARIORVM

Ioannis Amaritonis Nonetani, in
epistolas Q. Horatij Flac-
ci, Libri primi

Finis.

EPIGRAMMATA DISCIPV-
lorum Ioannis Amari-
tonis.

Dionysij Breidentij Rotomagei,
Ad Lectorem.

*Non versus inopes rerum, nugæque canoræ
In Flacco: sermo est, consiliûmque senis.
Hunc lege quisquis aues prudentis nomen habere.
Obscura est breuitas: explicat Amariton.*

Ioannis Breidentij Rotomagei ad Ioan.
Amaritonem doctorem
suum.

*Prælogeres memini, cùm docta poemata Flacci,
In promptu poni quæ latuere diu:
Hæc facito in tabula communis perlegat vsus:
Gratus eum quiuis qua potis arte inuat.*

Caroli Belloi ad eundem.

*Illustrant docti Flaccum Glareanus & Acron,
Illustrat scriptis Porphyriôque suis:
Clarè equidè, verùm logico qui id lumine tentat,
Clarius: hæc, doctor, gloria tota tuæ est.*

46
Antonij Loiselij Bellouaci
ad eundem.

*Ignota Logica latuere pœmata Flacci,
Extremum ecce patet nunc rationis ope.
Hoc præstas: illinc in prima pœmata, doctor,
Ascende, & totum perficiatur opus.*

Caroli Breuidentij ad eundem,
de Horatio.

*Formatis vitam docti sanctique Poëtæ,
Et facit ad mores ars quoque vestra bonos:
Sed quantum cædunt altis arbuscula cupressis,
Tantum præ reliquis, Flacce Poëta, vales.*



EXCVDEBAT BENEDI-
ctus Preuost, sub Stella aurea,
vico Frementello,
Idib. Iulij,

1553.